

ԱՌԱՔԵԼՅԱՆ ԱՐՄԵՆ
(ԱԻ)

ԲԱՀՐԱՄ ԱԼ-ԱՐՄԱՆԻԻ ԳՈՐԾՈՒՆԵՈՒԹՅՈՒՆԸ
ԵԳԻՊՏՈՍՈՒՄ 1135-1140թթ.

8-րդ դարի վերջին Աբբասյան հզոր խալիֆայության թուլացումը հանգեցրեց նրանում անկախ վարչական միավորների առաջացման: Այդպիսի միավորներից էր Ֆաթիմյան խալիֆայությունը, որն իր կարևորագույն տեղն է գրադեցնում արաբական պատմության մեջ: Ֆաթիմյան խալիֆայության (909-1171թթ.)¹ պատմության հետ սերստրեն փոխկապակցված են մի շարք հայորդիների անուններ, որոնք տևական ժամանակաշրջան բարձրաստիճան պաշտոններ են զբաղեցրել խալիֆայության վարչակարգում:

Ֆաթիմյան խալիֆայության հայազգի վազիրներից էին Բսողր ալ-Գամալին, Մալիք ալ-Աֆդալը, Վահրամ Պահլավունին և այլոք, որոնց անունների հետ են կապված պետականության պահպանման, ներքին հակամարտությունների, ճգնաժամերի հալթահարման և այլ պատմական նշանակալից դրվագներ:

Սույն հոդվածի նպատակն է ներկայացնել Վահրամ Պահլավունու կամ Բահրամ ալ-Արմանիի կյանքը և գործունեությունը:

Ընդհանուր առմամբ արաբ պատմագրությունը, Ֆաթիմյան խալիֆայության վազիր Վահրամ Պահլավունու մասին հաղորդում է հարուստ տեղեկություններ, որոնք սակայն չեն ներառում նրա գործունեության սկզբնական փուլը:

Վահրամ Պահլավունին Գրիգոր Բ. Վկայասեր կաթողիկոսի քեռորդին էր և Ներսես Շնորհալու հորեղբայրը: Նրա ծննդյան տարեթվի մասին հստակ տեղեկություններ հայտնի չեն: Նա ծնվել է Այնթափի մոտակայքում Թլքաշար կամ Թել Բաշիր կոչված քաղաքում և ունեցել է երեք եղբայր՝ Ապիրատ, Վասակ և Գրիգորիս: 1075թ. Գրիգոր Բ. Վկայասեր կաթողիկոսն այցելում է Եգիպտոս և հաջորդ տարի Եգիպտոսի հայ համայնքի արքեպիսկոպոս է ձեռնադրում իր քեռորդի Գրիգորիսին²:

Կաթողիկոս Գրիգոր Բ. Վկայասերի կարգադրությամբ Վահրամ Պահլավունին իր հետևորդների հետ Եզիպտոսում է հաստատվում և մտնում է պետական ծառայության՝ ցուցաբերելով մարտական և վարչական նշանակալից կարողություններ: Արդյունքում նա նշանակվում է Ղարքիեի (Գուսի)³ նահանգապետ⁴:

Վահրամ Պահլավունու՝ Եզիպտոսում հաստատվելու ճշգրիտ թվականը հայտնի չէ, սակայն կարելի է ենթադրել, որ այն թվագրվում է Գրիգորիսի պաշտոնավարության շրջանին. երբ Եզիպտոսի վազիրը Բադր ալ-Գամալին էր⁵:

1135թ. օգտվելով երկրում տիրող խառնաշփոթից և խալիֆ Հաֆեզի իշխանության թուլությունից՝ Վահրամ Պահլավունին հայերից բաղկացած զորքով պաշարեց Կահիրեն և նշանակվեց վազիր⁶: Խալիֆ Հաֆեզը Վահրամ Պահլավունուն նշանակեց վազիր և վազիրի զգեստ (խիլա) հագցրեց՝ չնայած նրան, որ վերջինս քրիստոնյա էր և մզկիթ մտնելու իրավունք չուներ⁷:

Վազիրի պաշտոնում հաստատվելուց հետո՝ Վահրամը թույլտվություն խնդրեց խալիֆ Հաֆեզից և Եզիպտոս բերեց իր ելբայրներին և ազգականներին⁸: Թեև Բաշիրից և Կիլիկյան Հայաստանից Եզիպտոս ներգաղթեց շուրջ 30 հազար հայ⁹:

Հետաքրքրական է, որ Վահրամ Պահլավունին կարող էր ընդունել իսլամ. ինչի արդյունքում նրա հնարավորությունները կարող էին ընդլայնվել. սակայն նա նախընտրեց մնալ ջերմեռանդ քրիստոնյա¹⁰: Վահրամ Պահլավունու իշխանության ընթացքում կառուցվում են բազմաթիվ վանքեր և եկեղեցիներ, և Եզիպտոսի բնակչությունը որոշակիորեն երկյուղում են, որ հայերը կայտղ են սպառնալիք դառնալ իրենց համար¹¹:

Ընդհանուր առմամբ իշխանության եկած հայազգի վազիրին հաջողվում է ճնշել կենտրոնախույս ուժերին և կարգ ու կանոն հաստատել երկրում¹²:

Խալիֆայությունում հայերի իշխանության ամրապնդումն առաջացրեց տեղաբնիկների դժգոհությունը, որը և անհետևանք չմնաց. 1137թ. էմիրները դիմեցին Ղարքիեի կառավարիչ Ռադուան Ուալախչիին՝ խնդրելով վերջինիս աջակցել իրենց հայազգի վազիրի իշխանությունից ազատվելու գործում¹³:

Ռադուանը 30 հազարանոց բանակով արշավեց Կահիրե՝ նպատակ ունենալով գրավել վագիրի պաշտոնը, սակայն հանդիպեց Վահրամ Պահլավունու զլխավորած բանակին¹⁴:

Ճակատամարտից առաջ Ռադուանի զլխավորած զինվորներն իրենց սրերի վրա Ղուրանի էջեր են փակցնում, որը և ստիպում է Վահրամի իսլամադավան զորքին հրաժարվել Ղուրանի դեմ կռվելուց¹⁵:

Վահրամը մի շարք հավատարիմ համախոհների հետ փախուստի է դիմում և ապաստան գտնում Դամասկոսի մոտակայքում, սակայն շատ շուտով, իսալիֆից հատուկ թույլտվություն ունենալով, վերադառնում է Եգիպտոս և հաստատվում Վերին Եգիպտոսի Առուսնի շրջակայքում հայերին պատկանող Դայր ալ-Աբյադ (Սպիտակ Վանք) կոչվող վայրում¹⁶:

Ռադուան Ուալախչին. գրավելով վագիրի պաշտոնը, անմիջապես ձեռնամուխ եղավ հայերին իշխանությունից զրկելու և ճնշումների քաղաքականությանը, որի հետեւանքով Կահիրեի հյուսիսի հայաբնակ քաղամասի բնակիչները սպանվեցին, հայերին պատկանող գույքը կողոպտվեց, եկեղեցիները և վանքերն ավերվեցին, սպանվեցին Վահրամ Պահլավունու եղբայր Վասակը և Առաջնորդ Անանիան, ինչպես նաև քանդվեց Գրիգորիս արքեպիսկոպի գերեզմանը¹⁷:

Ըստ Իբն Մույասսարի Գուսի նահանգում սպանվում է Վահրամի եղբայր Վասակը, որի սպանությունից երկու օր անց Վահրամն իր ընտանիքի և զորքի ուղեկցությամբ Սպիտակ Վանքի ճանապարհին հասնում է Գուս, ավերում է քաղաքը, սպանում բազմաթիվ բնակիչների և հետո միայն հաստատվում Դայր ալ-Աբյադում:

1137թ. վագիրի պաշտոնում հաստատվելուց անմիջապես հետո Ռադուան Ուալախչին իր եղբոր՝ Նասրեդդինի զլխավորությամբ զորք ուղարկեց Վահրամի դեմ, սակայն ճակատամարտ տեղի չունեցավ, համաձայնություն ձեռք բերվեց, որ Վահրամը կմնա Սպիտակ Վանքում և իր զորքին բաց կթողնի, որպեսզի վերջիններս վերադառնան հայրենիք¹⁸:

Սակայն շուտով իսալիֆ Հաֆեզը, զգալով սաստկացող խժոժություններն ու անկարգությունները երկրում, 1138թ. Վահրամին հրավիրեց իր պալատ, և վերջինս մնաց այստեղ մինչև իր մահը¹⁹:

Վահրամի պալատում հաստատվելը խարխուլեց Ռադուանի հեղինակությունը և նպաստեց վերջինիս փախուստին Կահիրեից:

Ռադուան Ռալախչիի և Վահրամ Պահլավունու հակամարտությունն ավարտվեց 1140թ. վերջինիս մահով:

Փաստորեն. Վահրամ Պահլավունին, իր կյանքի վերջին տարիներն ապրելով պալատում, վարում էր երկրի գործերը, խորհուրդներ էր տալիս խալիֆին, սակայն պաշտոն չէր ստանձնում, ինչն ամենայն հավանականությամբ պայմանավորված էր խալիֆի՝ այլևս այլակրոն վազիր և յրա հետ կապված խնդիրներ չունենալու ցանկությամբ:

Ըստ Իբն Սուլսսարի՝ Վահրամի մահվան կապակցությամբ խալիֆ Հաֆեզը երեք օր սուգ հայտարարեց, կանչեց հայոց պատրիարքին և կազմակերպեց Խուրակավորության արարողությունը:

Կեսօրին Վահրամի սոճյունը հանվեց պալատից նկարագարող սավանով պատված դագալի մեջ՝ շրջապատված քրիստոնյա քահանաներով:

Թափարն ուղեկցում էին հետիոտն շերիֆներ (Մարգարեից սերող ազնվականներ), բարձրաստիճան այրեր:

Հուլարկավորությանը անձամբ մասնակցում էր խալիֆ Հաֆեզը՝ ջորի հեծած, որը, հասնելով գերեզման (Դայր ալ-Խանդակ) նստեց եզրին և սաստիկ հուզվեց²⁰:

Այսպիսով, Վահրամ Պահլավունին, ապրելով իր գործունեությունը ծավալելով Եգիպտոսում, Ֆաթիմյան խալիֆայության պատմության մեջ իր անջնջելի հետքն է թողել: Նրան հաջողվեց կարճ ժամանակամիջոցում երկրում կարգ ու կանոն հաստատել, ճնշել դավադիր ուժերին իրապես վայելել խալիֆ Հաֆեզի հարգանքն ու սերը, ինչի մասին միանշանակ խոսում է թաղման արարողության նկարագրությունը Վահրամ Պահլավունու խալիֆի պալատում բնակվելու փաստը:

ARSEN ARAKELYAN
(IOS)
BAHRAM AL-ARMANI'S ACTIVITY IN EGYPT (1135-1140)

In the end of 8-th century Abbasid Caliphate was divided into several independent states and one of them was Fatimid Caliphate. The history of Fatimid Caliphate states, that there were several Armenian Wazirs (head of Government), like Badr al-Gamali, Malik al-Afdal, Vahram Pahlavuni etc.

Vahram Pahlavuni has been one of the key persons in the history of Government of Fatimid Caliphate.

Caliph Hafez had nearly lost his power and he appointed Vahram in the position of Wazir. This appointment was really useful: Vahram centralized and raised Caliphate's power, crushed Caliph's enemies. Vahram brought about 30 thousand Armenians to Egypt. During the two year period of Vahram's service as Wazir many churches and monasteries had been constructed in Egypt.

He lived and died in Caliph's palace.

ԾԱՆՈԹԱԳՐՈՒԹՅՈՒՆՆԵՐ

1. Հովհաննիսյան Ն., Արաբական երկրների պատմություն հ., I, Եր., 2001, էջ 385:
2. Մլըսրլեան Գ., Ականաւոր հայեր Եգիպտոսի մէջ, Գահիրէ. 1947, էջ 64-65:
3. Թուրշյան Հ., 11-րդ եւ 12-րդ դարերի Եգիպտահայ գաղութի պատմությունից, Արեւելագիտության ժողովածու. հ. 2, Եր., 1964, էջ 310:
4. Ջէյրլեան Ս., Հայութեան ներդրումը վաղ միջնադարեան եւ արդի Եգիպտոսի պատմութեան մեջ, Կվեբեկ, Կանադա, 2004, էջ 39:
5. Մլըսրլեան Գ., նույն տեղում, էջ 65:
6. Ալպոյաճեան Ար., Արաբական Միացեալ Հանրապետութեան Եգիպտոսի նահանգը եւ հայերը, Գահիրէ. 1960, էջ 28:
7. Թուրշյան Հ., նույն տեղում, էջ 310:
8. Իրմ Մուլսսսար, տե՛ս Семенова, Л.А. Из фатимидского Египта, М., 1974, с. 181.
9. Իրմ Մուլսսսար, տե՛ս Մլըսրլեան Գ-էորգ, Ականաւոր Հայեր Եգիպտոսի մէջ, Գահիրէ 1947թ. էջ 69:
10. Սուֆեան Յ., Եգիպտոսի հայ մեմլորներն ու իշխանները ֆաթիմեան շրջանին, Գահիրե 1928թ., էջ 47:
11. Семенова Л.А., Из фатимидского Египта, М., 1974, с. 181.
12. Սուֆեան Յ., նույն տեղում, էջ 47:
13. Մլըսրլեան Գ., նույն տեղում, էջ 70:
14. Ալպոյաճեան Ար., նույն տեղում, էջ 31:
15. Ջէյրլեան Ս., նույն տեղում, էջ 41:
16. Մլըսրլեան Գ., նույն տեղում, էջ 72:
17. Ջէյրլեան Ս., նույն տեղում, էջ 41:
18. Մլըսրլեան Գ., նույն տեղում, էջ 72:
19. Ջէյրլեան Ս., նույն տեղում, էջ 41:
20. Իրմ Մուլսսսար, տե՛ս Մլըսրլեան Գ., Ականաւոր Հայեր Եգիպտոսի մէջ, Գահիրէ 1947թ. էջ 74: